

Broj: 06-03-512-06/19
Mostar, 22.08.2019. godine

Na osnovu člana 11., člana 17., člana 19. i člana 21. Zakona o naftnim derivatima u Federaciji Bosne i Hercegovine („Službene novine Federacije BiH“ broj 52/14), člana 20. stav (1) i člana 23. stav (1) Statuta Regulatorne komisije za energiju u Federaciji Bosne i Hercegovine („Službene novine Federacije BiH“ broj 24/14 i 91/15), člana 8. stav (1), člana 32. stav (4) i člana 42. stav (1) Poslovnika o radu Regulatorne komisije za energiju u Federaciji Bosne i Hercegovine („Službene novine Federacije BiH“ broj 29/14 i 31/16), člana 78. Pravilnika o javnim raspravama i rješavanju zahtjeva, sporova i žalbi („Službene novine Federacije BiH“ broj 57/12, 71/14 i 31/16), člana 10. stav (2), člana 17. i člana 37. stav (2) Pravilnika o izdavanju dozvola za rad (licenci) za obavljanje energetske djelatnosti iz sektora naftne privrede („Službene novine Federacije BiH“ broj 15/16), člana 10., člana 11. i člana 12. Pravilnika o metodologiji i načinu obračuna regulatornih naknada za imaoce dozvola („Službene novine Federacije BiH“ broj 5/17, 59/17 i 49/18), postupajući po Zahtjevu za izmjenu i dopunu dozvole za rad (licence) broj 06-03-512/19 od 12.04.2019. godine podnosioca zahtjeva d.o.o. „INTER-BUTAN“ Cazin, Ostrožac br. 302, Cazin, u postupku izmjene i dopune Dozvole za rad (licence) za trgovanje LPG-om broj 06-03-453/60/16, Regulatorna komisija za energiju u Federaciji Bosne i Hercegovine – FERK je 22.08.2019. godine na XII redovnoj sjednici donijela sljedeće

RJEŠENJE

1. Dozvola za rad (licenca) za trgovanje LPG-om broj 06-03-453/60/16 izdata Rješenjem broj 06-03-453-06/60/16 od 04.07.2016. godine, imaoce dozvole d.o.o. „INTER-BUTAN“ Cazin mijenja se i dopunjuje, te glasi kao u prilogu koji je sastavni dio ovog rješenja.
2. Dozvola za rad (licenca) važi do 03.07.2021. godine, sa uslovima dozvole koji čine njen sastavni dio.
3. Sastavni dio ovog rješenja čini dozvola za rad (licenca) iz tačaka 1. i 2. ovog rješenja.
4. Imalac dozvole je obavezan platiti regulatornu naknadu za 2020. godinu u iznosu od 991,78 KM godišnje.
5. Imalac dozvole je obavezan platiti regulatornu naknadu za 2021. godinu u iznosu od 1.008,22 KM.
6. Imalac dozvole je obavezan regulatorne naknade iz tačaka 4. i 5. ovog rješenja platiti do 31.01. tekuće godine.
7. Ovo rješenje je konačno, te se objavljuje na oglasnoj tabli i internet stranici FERK-a, a dispozitiv ovog rješenja u „Službenim novinama Federacije BiH“.

Obrazloženje

Dana 12.04.2019. godine FERK je pod brojem 06-03-512/19 od podnosioca d.o.o. „INTER-BUTAN“ Cazin primio Zahtjev za izmjenu i dopunu dozvole za rad (licence) u postupku izmjene i dopune Dozvola za rad (licenca) za trgovanje LPG-om broj 06-03-

453/60/16, radi zamjene dvije transportne jedinice potrebne za obavljanje licencirane djelatnosti za koju je postojeća dozvola za rad (licenca) izdata.

Postupajući po odredbi člana 9. Pravilnika o javnim raspravama i rješavanju zahtjeva, sporova i žalbi, primljeni zahtjev je pregledan u skladu sa članom 12., članom 19. i članom 24. Pravilnika o izdavanju dozvola za rad (licenci) za obavljanje energetskih djelatnosti iz sektora naftne privrede. Nakon pregleda primljenog zahtjeva, a postupajući u skladu sa članom 10. Pravilnika o javnim raspravama i rješavanju zahtjeva, sporova i žalbi i članom 12. Pravilnika o izdavanju dozvola za rad (licenci) za obavljanje energetskih djelatnosti iz sektora naftne privrede, FERK je podnosiocu zahtjeva 09.05.2019. godine uputio Obavještenje o nedostacima podnesenog Zahtjeva za izmjenu i dopunu dozvole za rad (licence) za trgovanje LPG-om pod brojem 06-03-512-01/19, te mu odredio rok radi otklanjanja u obavještenju naznačenih nedostataka i upozorio ga na posljedicu propuštanja. Postupajući po obavještenju, podnosilac zahtjeva je dostavio dopis primljen u FERK 15.05.2019. godine pod brojem 06-03-512-02/19, uz koji je dostavio dio tražene dokumentacije i obrazloženja. U cilju potpunog kompletiranja dostavljene dokumentacije, FERK je podnosiocu zahtjeva 14.06.2019. godine dostavio Zahtjev za informacijama broj 06-03-512-03/19, povodom kojeg je podnosilac zahtjeva dostavio dopis primljen u FERK dana 24.06.2019. godine pod brojem 06-03-512-04/19, uz koji je dostavio traženu dokumentaciju i obrazloženja, a na osnovu čega je FERK utvrdio da je podneseni zahtjev potpun i da su se stekli uslovi za objavu obavještenja za javnost o nacrtu dozvole.

Na osnovu provedenog postupka tokom kojeg je izvršena pažljiva analiza svih činjenica i podnesenih dokaza na osnovu kojih se moglo utvrditi stanje stvari, FERK je u skladu sa članom 16. Pravilnika o izdavanju dozvola za rad (licenci) za obavljanje energetskih djelatnosti iz sektora naftne privrede, pripremio Nacrt dozvole za rad (licence) za trgovanje LPG-om po zahtjevu broj 06-03-512/19 od 12.04.2019. godine podnosioca zahtjeva d.o.o. „INTER-BUTAN“ Cazin. Na osnovu člana 1. stav (3) i člana 16. Pravilnika o izdavanju dozvola za rad (licenci) za obavljanje energetskih djelatnosti iz sektora naftne privrede, FERK je Odlukom broj 06-03-512-05/19 od 12.07.2019 godine usvojio Nacrt dozvole za rad (licence) za trgovanje LPG-om, te Obavještenje za javnost o opštoj raspravi o Nacrtu dozvole za rad (licence) za trgovanje LPG-om, kojom je ovaj nacrt upućen u proces javne rasprave. Ovom odlukom je imenovan voditelj postupka i zamjenik voditelja postupka, te je utvrđeno i da su zainteresovana lica imala mogućnost dostaviti svoje pisane komentare na Nacrt dozvole za rad (licence) za trgovanje LPG-om na adresu FERK-a ili na elektronsku adresu, u periodu od 15.07. godine do 26.07.2019. godine do 12:00 sati, kao i da su lica koje imaju direktan interes učestvovati u postupku izdavanja dozvole, pod uslovom da im je interes različit od opšteg javnog interesa, imala mogućnost podnijeti zahtjev za sticanje statusa umješšača na adresu FERK-a ili na elektronsku adresu, u periodu od 15.07. godine do 26.07.2019. godine do 12:00 sati.

Do ostavljenog roka za dostavu pisanih komentara i za podnošenje zahtjeva za sticanje statusa umješšača, odnosno do 26.07.2019. godine do 12:00 sati, u FERK nisu primljeni pisani komentari na Nacrt dozvole za rad (licence) za trgovanje LPG-om, niti je primljen zahtjev za sticanje statusa umješšača.

Dalje, članom 10. Pravilnika o metodologiji i načinu obračuna regulatornih naknada za imaoce dozvola propisana je dinamika obračuna regulatorne naknade za imaoce dozvola iz sektora naftne privrede, dok je članom 11. istog pravilnika regulatorna naknada za

imaće dozvole za rad (licence) za trgovanje LPG-om propisana u fiksnom iznosu na godišnjem nivou od 2.000,00 KM, s tim da se taj fiksni iznos u prvoj i zadnjoj godini važenja dozvole preračunava u skladu sa periodom važenja dozvole u toj godini. Članom 12. ovog pravilnika propisano je da će FERK o obavezi iz člana 11. Pravilnika svakom imaocu dozvole iz sektora naftne privrede izdati pojedinačno rješenje.

Na osnovu obrade Zahtjeva za izmjenu i dopunu dozvole za rad (licence) broj 06-03-453/60/16 od 12.04.2019. godine podnosioca d.o.o. „INTER-BUTAN“ Cazin i dokumentacije priložene uz zahtjev, izvršena je izmjena i dopuna Dozvole za rad (licence) za trgovanje LPG-om broj 06-03-453/60/16, radi zamjene dvije transportne jedinice potrebne za obavljanje licencirane djelatnosti za koju je postojeća dozvola za rad (licenca) izdata. Predmetna dozvola za rad (licenca) je izmijenjena i dopunjena u skladu sa zahtjevom podnosioca, te je u skladu sa odredbama naprijed navedenih Zakona o naftnim derivatima u Federaciji Bosne i Hercegovine i Pravilnika o izdavanju dozvola za rad (licenci) za obavljanje energetskih djelatnosti iz sektora naftne privrede, s tim da je period važenja dozvole za rad ostao nepromijenjen. Postavljeni uslovi uvažavaju potrebu, ali i obavezu d.o.o. „INTER-BUTAN“ Cazin da u rokovima propisanim u uslovima dozvole za rad (licence) za trgovanje LPG-om iste ispuni, u cilju zadovoljavanja propisanih kriterijuma.

Na osnovu navedenog, odlučeno je kao u dispozitivu ovog rješenja.

POUKA O PRAVNOM LIJEKU:

Protiv ovog rješenja podnosilac zahtjeva može tužbom pokrenuti upravni spor kod Kantonalnog/Županijskog suda u Mostaru u roku od 30 dana od dana primanja rješenja. Tužba se predaje sudu direktno ili mu se šalje poštom preporučeno. Tužba se može izjaviti i na zapisnik kod navedenog suda ili bilo kojeg drugog suda.

PREDSJEDNICA FERK-a
Sanela Pokrajčić